

■ ZULPRINS

Ei la PRIDE propi terminada?

Zercladur ei il meins da PRIDE. Il meins nua che la community queera festivescha si' existenza. Il meins cun las grondas demonstraziuns atras ils marcaus. Colurs d'artg sin fatschas, calzers, soccas, tastgas, rintgas. Restonzas da glitzer per il rest dil meins els cavels, ella vestgadira, ella buorsa ed en mintga fessa dad in mintgadi lunsch ordvart dalla matrix heteronormativa. Denton uonn vesa la PRIDE ora auter. Las paradas e las fiastas dattan ell'aua, pervia da corona. Gronda trumpada. Sill'emprema egliada forsa. La party capitalistica d'artg ei terminada, giebein. PRIDE 2020 ha denton liug. Damai che PRIDE ei il cumbat encunter malgiustia, encunter discriminaziun, encunter violenza dalla polizia. Naschida ei ella ord ils STONEWALL RIOTS 1969 nua che dunnas da trans* da PoC (person of colour) e dunnas da trans* neras han mussau resistenza encunter las razzias rigurusas e la repressiun dalla polizia. Ei ha dau confruntaziuns violentas duront entgens dis. Il cumbat sin via era catalisatur per il moviment per dretgs da persunas queeras ella USA ed era en autras tiaras. Avon ils RIOTS era la situaziun sillas vias a New York prigulusa per la community queera. Esser queer era illegal. La polizia ha perquei fatg razzias stedias ellas bars nua ch'ins s'entupava. Persunas vegnevan arrestadas stediamain, purtadas en perschuns per entginas notgs nua ch'ellas ein vegnidas misladas e violadas. La discriminaziun dalla polizia era sistematica, homofoba, transfoba e rassistica. Parallelas evidentas agl onn 2020, ni buc? La community queera engrazia lur dretgs alla curascha dallas dunnas da trans* neras e PoC egl onn 1969. La PRIDE 2020 ha pia liug el sustegn da BLACK LIVES MATTER. Igl ei denton era in mument da reflexiun da-



Stonewall Riots, 1969

ILLUSTRAZIUN NAOMI ARPAGAU

mai ch'esser queer e s'occupar da mecanissem da discriminaziun munta buca ch'ins ei salvas dil prighel da reproducir sez rassistem. Crescher si en supremazia alva fa che persunas alvas vesan buca lur privilegis e daventan savens viladas sch'enzatgi fa attents da cuntegn ni agir rassistic ni negheschan schizun ei. Perquei eis ei temps da s'occupar collectivamein cun igl esser alv criticamein e luvrar si il vargus colonial, per in avegnir cun pli pauca discriminaziun structurala ed instituzionala, era ella scena queera.

Asa Hendry

Ils zulprins sbrinzlan

La nova rubrica per auturas ed auturs giuvens cumpara en collavuraziun cun la GiuRu Giuventegna Rumantscha. En questa ediziun vegn Asa Hendry a pled, cun ina illustraziun da Naomi Arpagaus.



ZULPRINS

LA QUOTIDIANA

Editura: Samedia Press AG
 Editeur: Hanspeter Lebrument
 CEO: Thomas Kundert

Editura Samedia
 Via Sommerau 32, 7007 Cuira;
 tel. 081 255 50 50,
 mail: verlag@samedia.ch

Redacziun responsabla:
 Fundaziun Medias Rumantschas (FMR):
 Schefredactor FMR: David Truttmann (dat)
 Substitut schefredactor FMR:
 Martin Cabalar (mc)
 Redacziun FMR:
 Flurin Andry (fa), Augustin Beeli (abc),
 Sandro Buchli (sb), Andreas Cadonau (ac),
 Annatina Filli (afi), Hans Huonder (hh),
 Gieri Martin Maissen (correctur)
 Susi Rothmund (sr), Gion Nutegn Stigier (gns).

Adressas redacziunalas:
 FMR Fundaziun Medias Rumantschas,
 Via da Masans 2, 7000 Cuira, tel: 081 544 89 10
 mail: redacziun@fmr.ch

Surselva: tel. 081 544 89 18,
 mail: redacziun@fmr.ch
 Engiadina: tel. 081 544 89 16,
 mail: redacziun@fmr.ch
 Grischun Central: tel. 081 544 89 17
 mail: redacziun@fmr.ch

Servetsch d'abunents e da distribuziun:
 Via Sommerau 32, 7007 Cuira,
 tel. 0844 226 226,
 mail: abo@samedia.ch

Inserats:
 Samedia Promotion,
 Via S. Clau Sura 11, 7130 Gion
 tel. 081 920 07 17, fax 081 920 07 18,
 mail: ilanz.inserate@samedia.ch

La Quotidiana cumpara tschintg giadas ad emna
 Ediziun derasada: (Südstschweiz cumplet)
 73364 exemplars, ediziun vendida 69321 exemplars,
 autentifizà (WEMF-/SW-, 2018)
 Derasaziun: 163 000 lecturs (MACH-Basic 2018-2)

Pretschs d'abunaments sut:
 www.suedostschweiz.ch/aboservice

Comunicaziun da participaziun considerabla
 sin fundament da art. 322 CP:

nagin

© Samedia

Pil mument aunc negin niev uestg

Igl administratur apostolic sto sez cuntinuar cun la renovaziun dalla baselgia

DA GIUSEP CAPAUL/FMR

■ Uonn da Buania, ils 6 da schaner ha igl administratur apostolic digl uestgju da Cuera, uestg Peter Bürcher, presentau siu progam per la «Via communal da renovar la baselgia ella diocesa». Intradau ei quei vegniu dalla Conferenza episcopala svizra. Lu veva uestg Peter Bürcher schau saver denter las lingias che tochen sin suenter Pastgas d'uonn vegni la diocesa da Cuera a ver in niev uestg e lez vegni lu a cuntinuar cun la secunda fasa da quella renovaziun dalle baselgias diocesan.

Mo ussa tun'ei auter. Pil mument eisi buca da quintar – tenor uestg Bürcher – ch'ei detti proximamein in niev cau diocesan per Cuera sco successur dad uestg Vitus Huonder. Perquei ha ei ussa tucchau agl administratur apostolic da prender

sez a mauns la cuntinuaziun da quella renovaziun dalla baselgia diocesan.

Uestg Bürcher ha annunziu che la secunda fasa per la renovaziun dalla baselgia diocesan, sut il tema «Tedlar in sin l'auter», hagi entschiet ils 8 da zercladur e cuozi tochen l'emprema dumengia d'advent 2020. Atgnamein vess quella fasa giu dad entscheiver gest suenter Pastgas, ha lu denton stuiu vegnir refretga pervia dil coronavirus. Ussa, suenter ch'il «lockdown» ei vegniu sluccaus, eisi pusseivel da cuntinuar.

Uestg Bürcher e siu team fan propostas co dar cuntegn e realisar la tematica dalla secunda fasa. Aschia eisi previu da metter sin la pagina d'internet digl uestgju cuorts texts e zacontas damondas. Igl administratur apostolic vesa bia pusseivladads en tgei rom ch'ei savess vegnir a discuers sur dalla cardientscha en pleiv

e famiglia. Discutar selai era davart la domanda «Co sai jeu tedlar sin Diu?». Ei duei dar in brat cun experienschas positivs che mintgin da nus ha saviu far era duront il «lockdown».

Cun quei che las mesiras da protecziun e prevenziun pervia da Covid-19 ein vegnidas sluccadas fuss ei ussa pusseivel al Capetelatedral da Cuera da seradunar per eleger il niev uestg diocesan. Mo cun quella elecziun eisi – sco quei che sur canonni Franz Stampfli, Turitg, ha declarau viers l'agentura kath.ch – buca da quintar pil proxim temps. «Nus vein aunc survegniu negin invit. Ei vegn ad esser difficultus d'anflar in successur, essend ch'ei dat duas partidas», ha il canonni turitges declarau. El seigi digl onn 1935. Tenor siu sentiment eisi perquei buca segir ch'el vegni aunc a far atras l'elecziun dil niev uestg da Cuera.

La «Tavla naira»

(fmr) Las tavlas nairas èn u eran pli baud las affischas cun tut las infurmaziuns uffizialas, da naschienschas sur nozzas enfin mortoris, cun avis ed infurmaziuns da la vischnanca u da societads communalas.

Tar la «Tavla naira» da La Quotidiana sa tracti era dad in «plaz cumin», dad ina part da la gasetta betg realisada da la redacziun Fundaziun Medias Rumantschas, mabain creada cun contribuziuns inoltradas da lecturas e lecturs: brevs, opiniuns, artitgels da forum, necrologs, fotografias commentadas, gratulaziuns etc.

Las contribuziuns ston esser signadas cun num da l'autur u da l'autura. I vegnan publicadas mo contribuziuns scrites en lingua rumantscha e talas che sa tegnan vi da simpels principis da la buna maniera. Las contribuziuns na vegnan betg indemnisadas cun in onurari. La redacziun FMR selectescha, curregia e redigia tenor basegn e las impaginescha sin la «Tavla naira» da La Quotidiana.

Vossas contribuziuns pudais trametter a la redacziun FMR: redacziun@fmr.ch ubain per posta FMR, Fundaziun Medias Rumantschas, Via da Masans 2, 7000 Cuira.

— FMR |

Redactor/a per il Grischun Central (50–100%)

Vus lavurais en ina pitschna squadra da la nova FMR che realisescha cuntengns medials rumantschs en furma da texts, maletgs ed entiras paginas da gasettas.

Vossa lavur

Vus realisais cuntengns schurnalistics – vos retschertgais, scrivais e publitgais texts e faschais fotografias per ils chanals medials da la FMR (tranter auter las gasettas Pagina da Surmeir, La Quotidiana u Posta Ladina).

Vus lavurais en stretg barat cun l'entira squadra redacziunala e cun il schefredactor da la FMR.

Vus essas co-responsabel/la surtut per la rapportaziun dal Grischun Central. Lieu da lavur: Grischun Central

Vossas cumpetenzas

Vus discurreis e scrivais en l'idiom surmiran u sutsilvan.

Vus avais gia fatg experienschas u scolaziuns en il schurnalissem u en champs sumegliants.

Vus avais plaschair ed interess da scriver rumantsch.

Vus essas ina persuna cun viv interess per quai che capita en il Grischun ed a nivel regional.

Vus savais lavurar bain en atgna reschia, sin atgna responsabladad ed era sut squitsch da temp.

Vus avais enconuschientschas da rumantsch grischun u essas pront/pronta d'emprender quel.

Tramettai p.pl. Voss'annunzia cun tut la documentaziun en furma electronica enfin ils 31 da fanadur 2020 a: david.truttmann@fmr.ch (Fundaziun Medias Rumantschas, Via da Masans 2, 7000 Cuira, 081 544 89 10).